



Daifim

An Official Organ of YMA, Khuangpuilam Branch.

YMA MOTTO

Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com

Khua a that rin a ni.
Temp - Max: 23°C Min: 13°C
Dar 5:54-ah ni a chhuak ang a,
Tlai Dar 4:33-ah a tla leh ang.

Tunkar chang vawn : Rom. 15:4.
“Lehkha Thua lo ziaak tawh rêng rêng chu
min zirtîr tûra ziaak a ni, thu ziaak aţanga
chhelna leh thlamuanna kan dawn azâra
beiseina kan neih theih nân.”

TUALCHHUNG CHANCHIN
❖ Pi Zorelmawii/Zarzoliana,
Khuangchera section (SP complex)
chu TB natna vangin ni 8.12.2020
khan Aizawlah panpui a ni. Pathian
tihamna leh awmpuina chang turin
duhsakna kan hlan e.

VC tlangau thu
Tahrik ni 7/12/2020 (Thawh-
ţanni) VC sitting thurel 6-na chuan
‘Cleanliness week (Faina hapta)’
den chhenin leh kum tawp a lo
nih leh tak avangin vengchhung
mipuite hnenah hriattirna leh
ngenna siam ţha a ti a, chungte
chu ahnuai a mi hi a ni.
1. Chhungtin te mahni in leh a
velte tih fai tur a ni.
2. Khua a lo ţhal chhoh leh tak
avangin Tuikhur tui pipe
hmangin emaw, khawl
hmanga lak loh tur a ni a, a la
lui an awm a nih chuan VC-in
an chung thu a rel a nih pawhin
an sawi buai thei lo ang.
3. Khua a lo ţhal a, khua a lo ro
chhoh zel avangin veng mipuite
chhiatrupna thlen thei kangmei
leh electric current kal sual
lakah i fimkhur ţheuh ang u.

S.P thuchhuah
Kolasib khawpui chhunga No
Tolerance Drive for Covid-19 Date
14th – 19th December, 2020 hun
chhunga duty-na tur hmun leh
duty tur S.P. Kolasib chuan a
ruahman a. Heng hmunahte hian
an duty dawn a ni. :-
I. Diakkawn Square.
II. Banglakawn.
III. Khuangpuilam.

Puipunna leh pawn lama i chet vel dan
aţang hi chuan faina kawngah
entawn tlak i nih hmel teh lul nen,
i hun hman tamna ber i in leh a vel
erawh rin a ang leh si lo.
An fai avanga Korean movie
tuipui em em si kha engatinge
i chet tladah em em si le?
An ramah i kal ve an phal miah lo ang.

**Electoral roll observer-in Kolasib district-a
electoral roll revision inbuatsaihna kalpui mek endik**
Khuangpuilam the 13th December, 2020 : Pawl tlâk thla tahrik ni 8, 2020 khan Pi
Lalzarmawii, IAS, Secretary, AH&Veterinary Department chuan Electoral Roll revision
inbuatsaihna kalpui mek endikin Kolasib a tlawh a. DC Conference Hall, Kolasib-ah
Dr. H.Lalthlanglana, District Election Officer hovin ţhutkhawmna neiin Electoral Reg-
istration Officer, Assistant Electoral Registration Officer, Political party hrang hrang
aiawhte leh District Level Standing Committee member-te an tel a ni.
Pi Lalzarmawii, Electoral Roll Observer chuan Mizoram chu inthlanna
felfai leh thianghlim kalpuina ţhin state anga ECI-te hriat ţhin a nih thu sawiin
hei hi District Election Office, Official leh NGO hrang hrangte bakah Political
party-a hruaitute nen thawhhona ţha tak a awm vang a nih thu a sawi bawk a
ni. Electoral Roll Observer chuan Vote thlak chu India danpui hnuai kum 18
tling tawhte tana chanvo kan neih pawimawh tak a nih angin E-Roll siam ţhat
hun te ngai pawimawh turin leh January ni 1, 2021 thlenga kum 18 tling thar tur
zawng zawngte chu E-roll buatsaih laia an hming ziahluh a nih ngeina tura hma
laturin kalkhawmte a chah a ni.
Pu Vanlalchhuanawma Chawngthu, Election Officer chuan Draft Electoral
Roll tlangzarh a nih tawh thu leh Political Party aiawhte hnenah a bu leh a Softcopy
nen pekchhuah vek a nih thu a sawi a, dilna hrang hrang dawn theih hun chu ni 15,
December 2020 a nih thu a tarlang bawk a ni. Electoral Roll Observer hian Standing
Committee, Political Party aiawhte leh Official dangte nen inkawmna a hman zawh
hian Polling station-te a tlawh kual nghal bawk a ni.

**Mizoram cleanliness competition 2020
endiktute’n Kolasib tlawh**
Pawl tlâk thla tahrik ni 8, 2020 khan Urban Development & Poverty Allevia-
tion Department kaltlanga buatsaih ‘Mizoram Cleanliness Competition, 2020’ endikna
kalpui mektu, Panel of Experts-te chuan Bairabi leh Vairengte an tlawh hnuah Kolasib
khawchhunga faina kawnga hmalak dan te an endik chhunzawm a.
Dr.H.Lalthlanglana, Deputy Commissioner hovin inkawm hona neiin Pu Gaston
Vanlalhriatpuia, District Urban Development Officer chuan Powerpoint presentation
hmangin DUDO hnuai hmalakna hrang hrang hrih hriatna hun a hmang bawk a ni.
Dr.H.Lalthlanglana chuan lawmman beisei vanga fai ni lovin fai vanga
lawmman latu nih chu Kolasib district chhunga faina kawnga hmalakna thupui
a nih thu sawiin, “Inelna avanga faina kawnga hma la thut ni lovin fai hi nunpui
turin hma kan la zawk a ni,” a ti. DC chuan Kolasib district chu Solid Waste
Management dan mumal tak zawmna district a nih angin bawlhhlawh chu paih
ni tawh lovin bawlhhlawh sawngbawl a nih zawk thu a tarlang bawk a ni.
Pu Gaston Vanlalhriatpuia, DUDO chuan Kolasib District-in faina
kawnga hma an lakna hrang hrang tarlangin in tin aţangin bawlhhlawh
khawm ţhin a nih thu a sawi a, hemi kawngah hian nuho intelkhawm pawl
(Self Help Group) te ţangkai taka hman an nih thu a sawi bawk a ni. Fai tura
inzirtirna kawng hrang hranga kalpui a nih dan te sawiin ODF plus hnuai
vantlang inthiarna 20 sak a nih thu a tarlang bawk a ni. Kolasib khaw
chhungah hian intinah bawlhhlawh ţawih thei leh thei lo thliar hranna bawm
sem vek a ni tawh a, veng tinah hriselna atana ţha lo bawlhhlawh (Hazard-
ous waste) paihna tur bik hun a ni bawk a ni. DUDO ruahmanna hnuai
faina kawng a zawm tur hrang hrang inzirtirna ‘Faina Kawttler Campaign’
te, Cleanliness week chhunga veng, office leh vantlang hmun tihfai a inelna
kalpui dan te enhu a ni bawk a ni.
Inkawmhona hunah hian Panel of Expert-te hian zawhna an neihte
chhan nghal a ni a. Kolasib khawpui chung hmun hrang hrang endikna neih
a nih hnuah Kawnpui endik turin an chhuak lehngal a ni.

Editorial Board :
Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager : Tv. Samuel Lalpekhlua
Contact No: 9862501858 / 9612691291
9612761781 / 7005494983

Branch YMA Office Bearer		
President	Secretary	Treasurer
Pu HD Daniala 9863212083	Pu Lalremsiama Varte 9862327112	Pu David Ialrosanga 9436158962
Vice President	Assistant Secretary	Financial Secretary
Pu S. Lalthangliana 8787326114	Nl. Florence Zoremsangi 9612761781	Pu Rotlingpuia 9862385193

Kohhran Huang

CYMA hmalakna

FLS Station - 9612566886
Chawngbawla Section
 Leader : Pu F. Lalbiaksanga
 96121 55162
 Secretary : Tv. R. Lalnunluanga
 82599 60032
Vanapa Section
 Leader : Pu Lalchuaailova
 87300 99599
 Secretary : Tv. Lallawmzuala
 87875 41803
Khuangchera Section
 Leader : Pu Lalramzaau
 76408 95924
 Secretary : Pu Zachungnunga Hrahse
 76299 69989

Presbyterian Church of India :
 Tahrik ni 9 November, 2020
 khan kum thar set-up neih a ni a. Kum
 2021 chhunga kohhran hruaitu tur
 hetiang hian an ruat ; -
 Chairmar : Upa Hluna
 Vice chairman: Upa C.Rokima
 Secretary : Upa Vanlalmuana
 Asst. Secy : Upa R.L.Fakmawia
 Treasurer :
 Upa Lallianthanga (Synod)
 Upa Lalthansanga (Tualchhung)
 Fin.Secy : Upa G.S.Zaithantluanga

7.12.2020 : Thuampui Branch YMA-in
 ruihhlo an mante halralna hun an
 hmang a, Pu Vanlalruata President-in
 ruihhlo te hi a halral a, CEC member-
 te - Pu K. DARTHANTLUANGA, Tv.
 Zochhuana, Pu T. Benjamina, Pu R.
 Lalchhandama, Pu B.C. Tawna, Pu F.
 Lalfakawma, Pu H.F. Lalrinpuia, Pu
 Lalrempuia te bakah Vigilance Sub-
 Committee member ten an tawiawm.
 - Assam Rifles-in an Headquarter-
 ah NGO Conclave an buatsaih a, Cen-
 tral YMA OB te an tel.
 - UD & PA Deptt.-in Mizoram chhunga

Editorial.....✍
Ngaihda thlâk
 Huna inherzela, chu hun inher
 chuan hriatna a tipunga, finna a lo thang
 a; chu finna thang zel chuan khawsak
 danphunga tidanglama, chu chuan kan
 khawsakna hmun, in leh loram thlengin
 a khawih danglam a ni. Kan thil neih leh
 kan awh zawngte pawh a danglam ta
 zel a. Mi ruala danglam hman ve thei tur
 chuan kan pe pen pawhin miruala phâk
 ve a ngai a ni. Amaherawh chu, he
 danglamna hi hriatthiamna thûk tak
 nena a kal rual a ngai thunga ni.
 Hmanlai ti hda thâ kha
 tunlaiah a thâ vek kher tawh lo thei;
 chutiang bawkin hmanlai a thil thâ loa
 kan ngaih vêk kha tunlaiah chuan thil
 tangkai tak a lo ni thei tho mai.
 Hmanlai ti hda chhawm nun chhoh
 zel atan thâ a awm rualin, chhawm
 nun chhoh hleih theih tawh loh leh
 chhawm nun tlak loh a awm thei. Thil
 in thlâk hunlai hi a awm a, chu thil
 in thlâk laiah chuan a thlâkna tur uluk
 taka kan ngaihtuah erawh a ngai.
 ‘Hmanlai chuan’ ti a tu leh fa
 te leh naupang zawkte hruai kan tum
 chuan kan hlawhchham fo ang. A
 chhan chu hmanlai leh tunlai a inang
 thei ngai lo reng reng. Hmanlai a
 ti hda thâ kan hriatte chhawm nun
 chhoh zel a nih theih nan chuan a ngai
 ang diak diaka chhawm chhoh tur
 emaw siamrem/her rem ngai lai ti thâ
 zeuh tur te kan thliar thiam a, bengsika
 kan ngaihtuah a ngai ang.
 Hmanlai thilte kha a vaiin a thâ
 reng chuang lova, a thing reng bik lo
 bawk. Tin, a changkang apiang hi a thâ
 vek bik lova, a changkang reng bik lo
 bawk. Ngaihda nghet tak nei chunga
 thlak a ngaih hun a thlak theih hi a hlu.

(Phek 3-na a mi zawmna)
 missionary chu nimin December 5
 khan Ministry of External Affairs ten
 koin "India ram chhung thila inrawlh"
 nia ngaiin hetiang anih chuan ram
 pahnih inlaichinna thlenga tuar thei
 anih thu an hrilh a; mahse, hemi hnu
 hian Trudeau hian tharum thawh loa
 loneitute nawrhna chu a thlawp thu
 a sawi nawn leh ngat a ni. Canada ah
 hian Punjabi tam tak an awm avang
 a, politics thila Punjabi ho tihlawmna
 tura sawi a ni thei bawk.
 Hetiang tho hian England rama
 MP engemaw zat te, Australia ram leh
 ram hrang hrang atangin loneitute
 thlawpna thu sawi an awm thar zel
 bawk a ni.
 Congress-in thlawp : Pawan
 Khera, Congress party thu puangtu
 chuan December 8 a farm law duh
 lohna Bharat Bandh chu Congress
 party in an thlawp a ni tih thu a sawi.
 Telengana CM : K. Chandra-
 sekhar Roa, TSR hotupa leh
 Telengana Chief Minister pawhin lo
 neitute a thlawp thu leh Bharat
 Bandh a thlawp thu a sawi bawk. TSR
 hi NDA leh UPA a tel lo party an ni a,
 Rajya Sabha-ah Bill engemaw ah
 NDA lam an pui tawh thin a ni.
 6th Round of Talk : Farm law
 chungchanga Central Sorkar leh lo
 neitu aiawhte vawi 5 an inbe tawh a,
 inremna an la nei thei lo. December
 ni 8 hian Farm law nuaibo ngiatin
 Bharat Bandh huaihawt a ni dawn a,
 hemi tuk December 9 hian a vawi 6-
 na atan an inbe leh dawn a ni.
 Source : First Post, December 01, 2020;
 Hindustan Times, December 06, 2020
 @ 12:38 IST; Times of India, Decem-
 ber 06, 2020 @ 12:31 IST; India Today,
 December 06, 2020 @ 12:40 IST.
 06.12.2020
 Huna Kawlni Kawlvawm

khaw lian zual fai intihsiakna endik tura a
 ruat Panel of Expert ten Mamit, Zawlnuam,
 Bairabi, Vairengte, Kolasib, Kawnpui leh
 Aizawl te an endik a, Prof. Malsawmliana,
 Asst. Secretary a tel.
8.12.2020 : Central YMA OB ten Mizoram
 Rural Bank (MRB) Chairman chu a Pisa-
 ah an kawm a, MRB Recruitment Rules
 kalha, tunhnaia an hnathawk hnamdang
 mi 19 dahngheh tumna awm chu Cen-
 tral YMA-in kalpui chhunzawm lo tura a
 duh thu zia leh tawngkain an thlen.
9.12.2020 : FCI Godown, Tuivamit leh a
 chhehvelah Buhfai tihchingpen a awm
 leh awm loh enfiahin Vigilance Sub-
 Committee an hnattlang.
10.12.2020 : SP Aizawl Pisa-ah Krismas leh
 Kumtharvuakveta halpuah, halmawi, silai
 lem (A mu kapchhuak thei) leh zopa
 rawket (Sky Lantern) zawrh, lei, hal leh
 hman khapna thupek kenkawh
 chungchang meeting neih a ni a, Pu H.F.
 Lalrinpuia, CEC bakah Pu Lalpianmawia leh
 Pu H. Lalhriatpuia Vigilance Sub-Commit-
 tee member te an tel.
11.12.2020 : DC's Conference Hall-ah ‘Dis-
 trict Task Force on Immunization meeting’
 neih a ni a, Pu Lalchhuanmawia, CEC a tel.
 - HYVE Aizawl City Hall-ah Human
 Rights Law Network, Delhi leh HOPE Legal
 Solution tangkawp buatsaihin ‘Seminar on
 Mizoram Let’s Share and Let’s Dare : Fight-
 ing and Marching Towards a Better
 Tomorrow’ neih a ni a, Pu C. Vanlalruaia,
 Legal Sub-Committee member a tel.
Kolasib district hospital
thuneitute chuan damlo, hospital
dawrtute leh District Hospital, Kolasiba
thawktute him zawk nan Covid-19 hri
vei inringhlel te tana inentir dan tur an
ruahman angin, casualty-a inentir tura
kaltlang mai lovin, Covid-19 hri vei
inringhlel te chu VLTF kaltlangin
inhriattirna hmun siamah endik hmasak
phawt thin tur a ni dawn a ni.

Thu ziak Huang

Farm law duh lohna a zual zel, Sawrkar nen vawi 5 an inbe tawh

Parliament thut khawm hnuhnung berin a passed tak Farm Law pathum duh lohna Farmer's Union tam tak intelkhawmin Central Sorkar chu na takin heng dan alo siam tawhte hi hlip leh vek turin an phut. An nawr ni a tam tial tiala a nawrtu lam tantu leh thlawptu an tam belh zel a, India ram pawn atang pawhin lo neitu thlawptu an pun tual tual avangin a nawrtu, lo neitu pawl lamin tlawmsan mai an tum lo a, Sorkar erawh a inphah hniam tial tial em ni, a tih theih awm e.

Farm law pathum te chu : 1. Farmers' Produce Trade and Commerce (Protection and Facilitation) Act 2020.

2. Farmers (Empowerment and Protection) Agreement on Price Assurance and Farm Services Act 2020.

3. Essential Commodities (Amendment) Act 2020.

Lo neitu pawl (Farmers Union) lam chuan heng farm law te hi 'lo neitu duhsak lohna (anti-farmers) dan' thar a ni, an ti a; thenkhat chuan 'sumdawng liante duhsakna' dan a ni, an ti thung a ni.

Heng farm law pathum te hi Parliament-ah pass tumna a awm tih hriat anih atangin Punjab-ah chuan dodalna a awm nghal a. Parliament-in a pawm hnu khan Punjab leh Haryana state-ah duh lohna leh dodalna a nasa zual sauh a. Thla hnih emaw lai an dodal hnu chuan dodalna kalpui dan thar (new movement) 'Delhi Chalo (Delhi ah kal ang u)' tih hmangin Central Sorkar chu heng farm law pathumte hi hnuk dawkh leh ngei turin an nawr ta a ni.

India Today-in a ziak dan chuan November ni 30 khan lo neitu lungawi lo leh farm law duh lo pung khawm mi nuai 2-3 inkar vel chuan Delhi khawpui luh theihna kawngpui hrang hrang atangin Delhi luh an tum a, heng lo neitu pung khawm hnawh darhna atan hian Police in tear gas leh tui kahchik lian hmanga beih an ni. He farm law duh lohna avang hian nimin December 5 thleng khan mi 2 million ten Delhi khawpui luhna kawng an dang a ni.

Farm law thar hi India ram chhunga Farmers Union 500 chuangin an duh lo a, Transport Union -- truck, bus, taxi diver member nuai 145 vel nei chuan an thlawp thu an puang a, hengho hian Sorkar hian lo neitute duh dan a tihsak loh chuan an hna thawh chawlhshanah Sorkar chu an kar ve bawkh a ni.

Background : Kum 2017 khan Central Sorkar chuan 'Model Farm Act' a duang a. He dana rawtna leh lo neihna lama siam that tura thu rawn awm te chu state ten an zawm lo tih hriat a ni. Hemi a nih avang hian 2019 July thla khan Model Farm Act bawhzui tur hian Chief Minister 7 lai awmna committee din a ni. Hemi hnu hian Central Sorkar chuan 2020 June thla khan dan hmanhmawh (ordinance) pathum tuna Farm law 3 ni ta hi a ti chhuak a. He Agriculture law pathumte hi Lok Sabha ah September 15 khan put luha sawiho a ni a, September 18-ah sawiho a nih leh hnuin pawm a ni ta a, Rajya Sabha-ah September 20 khan put luh a ni a, September 22-ah sawiho a ni a, eptu lam dodalna nasa tak hnuaiah, eptu lam an chhuak tauh tak avangin Voice vote hmanga pawm a ni. Heng Farm Bill pathum te hi President of India-in September 28 khan hming a ziah hnan tak avangin Bill ni tawh loin Act a ni ta ni.

Farmers' demand : Lo neitu ten Farm law 3 an duh loh chhan hi lian pui pui a awm a, heng hi a lian zual te an ni.

- 1) Thlai thar chhuah a hlawma tuna leisak mektu state Sorkar din AMPC (Agriculture Produce Market Committee) ni lo hemi piaha lama hralh chhuahna kawngka zau taka hawn a ni.
- 2) Dan tharin a sawi lo neitute thlai, buh leh bal thar chhuah hralhna atan e-market, electronic hmanga kalpui an duh lo.
- 3) AMPC pawn lama hralh anih in state Sorkarin chhiah - cess, market fee etc a lak phalsak a ni lo.
- 4) Hetianga AMPC pawn lama hralhna kawngka hawn anih tak avang hian AMPC /Mandy system chu zawi zawiin a bo ang a, sumdawng lianho (corporate house) kutah buh leh thlai, thei hralhna a lut vek ang.
- 5) Lo neitu tam tak hian an sum mamawh hi Artiyas (commission agent) hnen atangin an puk thin a, corporate kuta thlai thar hralhna a luh chuan hetiang hi an tih theih an ring lo.
- 6) AMPC pawimawhna a hniam chuan MSP (Minimum Support Price) hi a bo ang tih leh Sorkar hian MSP hi nuaibo a tum ah an ngai a ni.

Hengte hi lo neituten Sorkar laka an thil phut te chu a ni. :-

1. Farm law pathum nuai bo.
2. Farm law hnuk kir tura Parliament special session koh.
3. Sorkarin thlai thar leisak leh MSP pek hi lo neitute dikna leh chanvo (legal rights) a ni tur a ni.
4. Thlai thar hralh dan pangngai anga kalpui zel.
5. Swaminathan Panel Report kalpui.
6. Agriculture atana hman Diesel man 50% a tih hniam.
7. Buh pawl hal hremna leh leichawitirna tih tawp.
8. Buh pawl hal vanga Punjab a mi tantir mek te chhuah.
9. Electricity Ordinance 2020 nuai bo.
10. State subject ah Central Sorkar hi a inrawlh tur a ni lo, thu neihna sem zai hi kalpui tur a ni.

Farmers' Union : India ramah hian lo neitu pawl (farmer's Union) ram pum huap leh state, district etc huap tam tak an awm. Tun tuma farm law dodalna hi Samyukt Kisan Morcha, All India Kisan Sangharsh Coordination Committee te huaihawt leh bul tum a ni a, farmers unions 500 chuang zet in thlawp a ni. All India Motor Transport Union (AIMTU) Truck driver member nuai 95 chuang zet te, bus & taxi driver nuai 50 chuang zet awmin an thlawp bawkh a ni.

Rail Rako : Farmers law duh lohzia lantirna atan hian Punjab-ah chuan September 24 atang tawh khan 'Rail rako (rail titawp rawh)' tih an kalpui a; fertiliser an tlakchham tan avangin October 23 khan rel dan chu an titawp tawh a ni.

Delhi Chalo : Lo neitute hi state Sorkar ten

an thil phut te an thlawp tha tawkh loa hriain Central Sorkar ngeng chhun tur leh na zawka karna turin ruahmanna leh tan lakna thar (new movement) 'DELHI CHALO (Delhi ah kal rawh)' tih chu an ruahman leh ta a ni. Sorkarin Delhi an luh a phalsak loh avangin tunah hian Delhi khawpui daifemah mi sing tam tak kawngpui leh hmun remchang laiah an awm nghek nghuk mek a ni.

Bharat bandh : Farm law duh loh lantirna atan hian December ni 8 hian Bharat Bandh chu India ram pumah kalpui a ni ang. (Bandh hi Mizos tam takin BEN ti angin kan lam ri a, vawkin ban lian chu a tlo, tih a 'ban' anga lam tur a ni).

A nghawng a na : Union Minister of Food Processing Industry, Harsimrat Kaur Badal, BJP thian hlun Sirimoni Akali Dal MP (SAD)chuan he farm law duh loh vang hian September ni 17 khan Minister atangin a bang a, SAD pawh September ni 26 khan NDA atangin an bang nghal bawkh.

Award returnee : Lo neitute thil phut a thlawpzia lantirna atan Punjab Chief Minister hlui Prakash Singh Badal chuan December ni 3 khan India ram chawimawina sang ber dawttu Padma Vibhushan a dawn tawh chu President of India hnenah a hlankir leh a; Rajya Sabha MP Sukhdev Singh Dhinda pawhin Padma Bhushan a pe let leh bawkh a ni. Environmentalist lar Sewa Singh pawhin Dec 4 khan Padma Shri a pe kir bawkh.

Canana PM : Justin Trudeau, Canadian PM in Punjab state a lo neitu nuar mek a thlawp thu a sawi a, hemi avang hian India chuan Canada High Com-

(Phek 2-na)

Hmangaihtu zawn dan dik hre thiam lote'n hmangaihtu der an tawng fo.

Tun kara Mizoram chhunga thil thlengte

06.12.2020: Covid - 19 hri kai mi 15 chhuahtîr an ni a, mi 2 hmuh belh an ni.

07.12.2020: Aizawl Municipal Corporation inthlan neih theih a nih hmaa enkawltu tûr atân Municipal Commissioner, Pu K. Laldingliana ruat a nih thu Deputy Chief Minister, Pu Tâwnluia'n a puang.

- Mizoram Police leh Mizoram University chuan thawh hona leh inremna thuthlung, Memorandum of Understanding (MoU) an ziaik.

- Ram vên him hna thawktu sipai tâng mêkte leh nunna chên tate chawimâwina ni Armed Forces Flag Day a ni a, he ni pual hian District Sainik Welfare & Resettlement chuan Indopui pahnihaa Mizo sipai la dam te hnenah chawimawina thilpek a hlan.

- Health Minister Dr. R. Lalthangliana'n State Medicinal Plants Board buatsaih 'ZOMEDPLANTS' leh SMPB Official Website a tlângzarh.

- Covid - 19 mi 28 dam taka chhuahtîr an ni a, mi 32-in an kai belh.

- Zân dâr 8 vêl khân Aizawl Chhinga Vênga Zonunsang Handloom building, dâwr bungrua dah khâwmna chu a kâng a, vâneihthlâk takin thi leh hliam an awm lo.

08.12.2020: Lai Autonomous District Council inthlan vote tlate chu chhiar a ni a, bial awm zawng zawng 25-ah MNF party candidate-te'n sâwrkârna siam theiin bial 20 an la. INC leh BJP-in seat 1 ve ve leh Independent candidate-in seat 3 an la bawk.

- Covid - 19 hri kai mi 9 hmuh belh an ni a, mi 7 tihdam an ni bawk.

- Mizoroma Presbyterian kohhran rorêlna sâng ber Synod inkhâwmpui wavi 97-na chu Dâwrpui kohhran biak in-ah tan a ni.

- Mizoram UPC rorêlna sâng Executive Committee thut khâwm chu tan a ni.

09.12.2020: MISTIC project hnuaia buatsaih Innovation Facility Centre (IFC) MINECO-a mi chu Chief Minister Pu Zoramthanga'n a hawng.

- LADC MDC inthlan Result puan zawh takah sâwrkârna siamtu MNF party chuan Chief Executive Member atân, Pu Manghmung Chinzah thlangin Chairman atân, Pu V. Zirsânga chu lungrual takin an thlang.

- Covid - 19 hri kai enkawl lai mi 12 chhuahtir an ni a, mi 17 hmuh belh an ni.

- Puan thui leh computer lam zirna tihchangtlunna, State Social Welfare & Rehabilitation Centre, Maumual-a mi chu Social Welfare Minister Dr. K. Beichhua-a'n a hawng.

- Kolasib Forest-te leh Sub-Hqrs. YMA kumpuante'n September ni 29, 2017-a an man, ram bâl chu Court thupêk angin CF Office kawtah hâl ral a ni.

- Khankâwn leh Zotlâng inkâr kawngah hmeichhe naupang, Lawmsangzuali (kum 3) Neihlianthanga fanu, Champhai Ruantlaga mi ruang chhar a ni a, lirthei atanga tla nia hriat a ni.

- Zing lam khân Tv. C. Lalremruata (25), Ngopa Vêngthlang chu lirthei che sualin a boral.

- Dr. Lalţanpuia (43), Aizawl Kulikâwn, Aizawl Hospital neitute zînga mi chu a nupuiin a vit a, a hliam tuar lovin zan dâr 10:05 khân a boral.

- (Upa) C. Zungchema (76), LADC-a CEM hlui, Lawngtlai Chanmari chu zan dâr 11:30 khân a thi.

10.12.2020: Covid - 19 hri kai mi 16 tihdama chhuah an ni a, mi 14 hmuh belh an ni.

- Integrated Sericulture Development Project kaltlaga Chaltlâng Lily Venga Silk Showroom din chu Sericulture Minister Dr. K. Beichhua a'n a hawng.

- N. Vanlaiphai VC inthlan thatna (re-poll) neihah general seat-a a tling sate an tling nawn leh vek a, reserved (hmeichhe) seat-ah midang a tling thung.

Buatsaihtu : V Kungtea

Email: kungteavandiau0785@gmail.com.

YOUNG MIZO ASSOCIATION
Khuangpuilam Branch , Kolasib
CHHIATNI / THATNI INKAIHHRUAINA
Part - I : CHHIATNI

5. Thlan laih :

i) Zingkara thlan laih hman lova thi an awm chuan a hma thei anga laih tur a ni.

ii) Thlan hmun tur tuma'n thlan loh tur a ni. Thlan hmun hi a hma atangin hruaituten an ruahman lawk thin ang a, chu chu zawm theuh tur a ni.

iii) Chhiat taw an awmin, an chhungte boral tawh (kum 10 vel liam hnua mi) thlanah an duh chuan an inphum thei ang.

iv) Tul bik thilah chuan BEC-in thlan laih hun a tidanglam thei ang.

v) Thlan laitu tlangval tlawmngai ten thlan laih zawh velah kuang zawna/nawrna chu mitthi in lamah an dah nghal zel tur a ni.

6. Mitthi vui :

i) Veng chhungah mitthi an awma lumen a nih chuan, vui hun chhun dar 12:00 a ni ang a, lumen a nih loh erawh chuan chawhnu dar 1:00 a ni ang. Zing dar 9:00 hma lama thite chu a ni la la a vui/inphum tur a ni ang a, dar 9:00 hnu lama thite chu lumen tur a ni ang. District pawn atanga chhun dar 12:00 hmaa ruang rawn thleng hman chu a ni-ah vui tur a ni ang a, dar 12:00 hnua mi chu lumen tur a ni ang.

ii) Chhiat taw an awmin YMA hun chhungah, YMA PA Set/Combo hman thin a ni ang.

iii) Mitthi chhungte nghah a nihin vuina Programme chu a hun pangngaiah lo hman fel vek ni se. Mitthi chhungte nghah chungchang hi BEC-te kutah a awm ang.

iv) Mitthi Nu leh Pa, U leh Nau, Nupui/Pasal, Ril a rah - tu leh fate emaw in khata a chenpuite chauh lo chu nghah loh ni se. Heng bakah tul bik thilah chuan Branch YMA, kohhran leh khawtlang hruaitute inbe rawn a kal thin a ni ang.

7. Mitthi ruang nghah : Khual khua a thi, Khuangpuilam Thlanmuala phum tur, zan khat tla khawpa nghah ngai a awm chuan, ruang lo thlen hmaa chet dan tur chu BEC leh khawtlang hruaitute inbe rawn a rel thin a ni ang.

8. Mikhual thi :

i) Kan veng chhungah mikhual thi, Khuangpuilam Thlanmuala vui tur an awmin, Branch YMA-in kan thil khawn thin leh khawhar lenpui YMA hminga neih a ni lo ang.

ii) Veng pawn atanga veng chhungah ruang lak a nihin, hringtu nu leh pa, rila rah fate dik tak leh pianpui unau dik takte chu tualchhung mi anga ngaih an ni ang. Heng bak hi chu mikhual ang a ngaih an ni ang. Heng bakah hian tul bik thil a awm a nih chuan BEC-in a ngaihtuah ang.

iii) Kan veng chhungah Home hrang hranga khawsate an thihin, mikhual vui a vui thin an ni ang. Heng bakah hian tul bik thil a awm a nih chuan BEC-in a ngaihtuah ang.

9. Khawhar lenpui :

i) Khawhar lenpui chungchangah YMA-in mawhphurhna a lak hun chung chu ruang thlak zan atanga chhiarin zan thum (3) a ni ang.

ii) YMA-in mawhphurhna a lak chung hian khawhar lenpuitute tan hun leh tin hun siam thin a ni ang.

iii) YMA-in zan thumnaah 'Ralna Bawm' a dah thin ang a, hun tawp siamtuin khawhar chhungte hnenah hun tawp siam rualin ralna hi a hlan thin ang. 'Ralna Bawm' enkawl leh buaipui hi Section-te mawhphurhna a ni ang.

iv) Chairman awm lo tih avanga mahni hun inpe chawp a hun rei tak tak hman a, mahni pawl lam sawi mawin nan hun hman loh tur a ni.

(Chhunzawm zel tur)